

Broj: 265/15

Datum: 02.09.2015.godine.

Na osnovu člana 70. stav 1., a u vezi sa članom 64 stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14), člana 25. Statuta „TRA“ d.o.o-Agencije za razvoj općine Tešanj, br: 004/10, 028-3/14 i Zapisnika sa ocjene ponuda 265/15 od 02.09.2015.godine, sačinjenog od strane Komisije za nabavke imenovane rješenjem direktora „TRA“ d.o.o, direktor „TRA“ d.o.o-Agencije za razvoj općine Tešanj, donosi:

ODLUKU

o izboru najpovoljnije ponude

I

Najpovoljnija ponuda za robe u predmetu nabavke: "**Razvoj marketing i biznis planova za 12 MSP u BEAR području u okviru projekta COBEAR**", po cijeni od 16.900,00 KM (slovima: šesnaesthiljadadevetstotina i 00/100 KM) bez uključenog PDV-a je ponuda ponuđača: „Ekonomski institut“ d.o.o Banja Luka.

II

Ponuda je dostavljena na osnovu konkurentskog zahtjeva za dostavu ponuda, koji je objavljen na Portalu javnih nabavki dana: 06.08.2015.godine, pod brojem: 2742-7-2-108-3-11/15, kriterij za dodjelu ugovora je najniža cijena.

III

Obavezuje se izabrani ponuđač da u roku od 5 dana od dana prijema ove odluke dostavi ugovornom organu potrebnu dokumentaciju kojom dokazuje svoju ličnu sposobnost na način i u formi koja je propisana tenderskom dokumentacijom.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

V

Ova Odluka objavit će se na web stranici Agencije TRA www.tra.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke :*“Razvoj marketing i biznis planova za 12 MSP u BEAR području u okviru projekta COBEAR”*, pokrenut je Odlukom o pokretanju postupka broj:241-1/15 od 04.08.2015.godine. Odabran je konkurentski zahtjev za dostavu ponuda, koji je objavljen na Portalu javnih nabavki dana: 06.08.2015.godine, pod brojem: 2742-7-2-108-3-11/15, procjenjena vrijednost bez PDV-a je: 35.204,94 KM (slovima: tridesetpethiljadadvijestotinečetiri i 94/100 KM).

U ostavljenom roku za dostavu ponuda pristigle su tri ponude i to:

„Eda“ Agencija za razvoj preduzeća Banja Luka
„Ekonomski institut“ Banja Luka
„Coding“ d.o.o Tešanj

Komisija za javne nabavke imenovana je rješenjem broj 254/15 od 20.08.2015.godine izvršila je dana 20.08.2015.godine javno otvaranje ponude o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na sjednici izvršila provjeru formalne ispravnosti sadržaja pristiglih ponuda, te su ustanovila da su tri ponude formalno ispravne(sadržajno kompletna i ispravnog sadržaja) i da se kao takva može ocjenjivati u skladu sa zahtjevom za dostavu ponuda.

Komisija je utvrdila da cijena ponude „Ekonomskog instituta“ iz Banja Luke za više od 20% niža od cijene drugoplasiraneprihvatljive ponude, te je ugovorni organ u skladu sa članom 66. Zakona o javnim nabavkama („Službeni glasnik BiH“, broj: 39/14) i članom 17 Upustva za pripremu modela tenderske dokumentacije i ponuda („Službeni glasnik BiH“ , broj: 90/14), ponuđaču „Ekonomskom institutu“ Banja Luka uputio akt broj: 259/15 od 26.08.2015.godine, kojim se traži obrazloženje ponuđene cijene.

Obrazloženje cijene od ponuđača „Ekonomski institut“ Banja Luka dostavljeno je u formi akta broj: 311/15 od 31.08.2015.godine. Imenovana komisija za javnu nabavku je analizirala navedeno obrazloženje cijene te nakon analize Komisija je odlučila da prihvati ponudu „Ekonomskog instituta“ Banja Luka.

Komisija je izvršila rangiranje prihvatljivih ponuda prema kriteriju za izbor ponuda (najniža cijena prihvatljive ponude) te sačinila konačnu listu ponuda, rangiranu po cijeni ponuda i utvrdila najpovoljnijeg ponuđača kako slijedi:

1. „Ekonomski institut“ Banja Luka
2. „Coding“ d.o.o Tešanj
3. „Eda“ Agencija za razvoj preduzeća Banja Luka

Shodno navedenom, Komisija za javnu nabavku je prema utvrđenom kriteriju preporučila direktoru „TRA“ d.o.o-Agencije za razvoj općine Tešanj (Zapisnik sa ocjene ponuda broj: 265/15 od 02.09.2015.godine), da se u predmetu javne nabavke: „Razvoj marketing i biznis planova za 12 MSP u BEAR području u okviru projekta COBEAR“, donese Odluka o izboru najpovoljnijeg ponuđača i da se najbolje ocjenjena prihvatljiva ponuda za robe određuje ponuda ponuđača: „Ekonomski Institut“ Banja Luka, odnosno kako je navedeno u tački I ove Odluke, te da se sa istim zaključi ugovor u skladu sa ponudom ponuđača za usluge predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama BiH („Službeni glasnik BiH“, broj: 39/14) kao najpovoljniji ponuđač izabran je Ekonomski institut Banja Luka sa cijenom od: 16.900,00 KM bez uključenog PDV-a, te je donesena Odluka kao u dispozitivu.

U skladu sa članom 101. Zakona o javnim nabavkama BiH ("Službeni glasnik BiH", broj: 39/14), na ovu Odluku dopuštena je žalba u roku od 5 (pet) dana od dana prijema ove Odluke.

DOSTAVLJENO:

1. „Ekonomski institut“ Banja Luka
2. „Coding“ d.o.o.Tešanj
3. „EDA“ Agencija za razvoj preduzeća
4. Predmet
5. Arhiva

DIREKTOR AGENCIJE TRA d.o.o



Doc. dr. Ismar Alagić, dipl. ing maš.

